

Evening Dogri News Bulletin, 08 August 2024

इवनिंग डोगरी न्यूज़ बुलेटिन
समे-18:15 Hrs

Headlines

- 1 जम्मू-कश्मीर च चुनावोंs अधिकारियों दी टीम नै राजनैतिक दलें कन्नै मुलाकात कीती ते प्रदेश च चुनावोंs दी तैयारियों दा जायजा लैता। राजनैतिक दलें उनेंगी प्रदेश च तौलें चुनावोंs कराने लेई आखेआ।
- 2 मुख् सचिव अटल डुल्लू होरें जम्मू-कश्मीर लेई 312.89 करोड़ रपे दी जल आपूर्ति योजनाएं गी मंजूरी दित्ती। परियोजनाएं दा मकसद शैहरें गी 'जल सुरक्षित' बनाना ऐ।
- 3 केंद्र नै लोकसभा च वक्फ संशोधन बिल 2024 पेश कीता। वक्फ संशोधन बिल 2024 गी विस्तृत समीक्षा लेई संयुक्त संसदीय समिति गी भेजेया गेआ ऐ।
- 4 पेरिस ओलंपिक्स च मजूदा ओलंपिक ते विश्व चैंपियन नेज्जा सुट्टने आले खडारी नीरज चोपड़ा अज्ज खताब पर अपना कब्जा बनाई रखने लेई मदान च उतरडन।

<><><><><><>

ECI-Meet JK

मुख् चुनावों आयुक्त राजीव कुमार हुंदी अगुवाई च भारतीय चुनावों आोग दी टीम अज्ज बडुलै श्रीनगर पुज्जी। उंदे इस दौरे दा मकसद इत्थे औंदे विधानसभा चुनावों कोला पैहले हालात, त्थारिएं ते बक्ख-बक्ख पार्टिएं ते होरनें हितधारकें दी राय लैना ऐ। टीम नै श्रीनगर च मानता हासल सब्बनें सियासी पार्टिएं दे प्रतिनिधिएं कन्नै गल्लबात कीती। मुख् चुनावों आयुक्त हुंदे अलावा चुनावों आयुक्त ज्ञानेश कुमार ते एस.एस संधु बी टीम च शामिल न। बक्ख-बक्ख पार्टिएं दे नुमाइंदे मलाटी दे बाद मीडिया कन्नै गल्ल करदे होई दस्सेया जे उनें सब्बनें चुनावों तौले शा तौलें कराने दी अपनी गल्ल इकमत कन्नै आयोग अगगे रक्खी।

<><><><><><>

Chief Secretary

मुख् सचिव अटल डुल्लू होरें अज्ज AMRUT-2.0 दी UT Level Steering Committee. दी बैठक लाई जेदे च जम्मू-कश्मीर दे बडुलै शैहरें लेई 47 पानी सरबन्धी योजनाएं गी प्रशासनिक मंजूरी देने उप्पर विचार कीता गेआ। H&UDD दियां आयुक्त सचिव मनदीप कौर होरें जम्मू-कश्मीर लेई Atal Mission for Rejuvenation ते Urban Transformation यानि AMRUT-2.0 तैहत मंजूर कीती गेदी परियोजनाएं दा ब्यौरा दित्ता। उनें दस्सेया जे इनें परियोजनाएं दा मकसद शैहरें गी पानी लेई सुरक्षित बनाने ते सब्बनें वैद्यनिक शैहरें च सब्बनें घरें गी पानी दे नलकें दे कनेक्शन उपलब्ध करोआना ऐ।

<><><><><><>

LS-Waqf-Bill

वक्फ संशोधन बिल गी अगगे दी जांच परख संयुक्त संसदीय कमेटी गी भेजी दित्ता गेआ ऐ। एहदे शा पैहले अज्ज इस बिल गी संसद च रखदे होई अल्पसंख्यक मामलें दे मंत्री किरिन रिजिजू होरें आखेआ जे सरकार इस तरमीमी बिल दी होर जांच परख कीते जाने लेई तैयार ऐ। उनें आखेआ जे केंद्र सरकार दी मंशा भलेयां साफ ते पारदर्शी ऐ जेदे च इस विधेयक गी लेई किश बी छपैलने दी कोई एहदे शा पैहले मंत्री होरें एब्बी साफ कीता हा जे बिल दा मकसद इस धार्मिक निकाएं च कुसै बी चाल्ली दी दखलंदाजी करना नेई ऐ, सगुं राज्य वक्फ बोर्डें दे इखतयारें ते कम्मकाज दे कन्नोकन्नी वक्फ दिएं संपत्तिएं दा तरीके सिर पंजीकरण करना ऐ तां जे सब किश बवस्था आले ढंगै सिर चली सकै। उनें आखेआ जे इस बिल दा इक होर मकसद मुसलमाने दे गरीब, लोडमंद तबके दे लेई न्याय गी यकीनी बनाना ऐ। उनें आखेआ जे एहदे कन्नै मुसलमान महिलाएं गी बी बनकदी नुमायंदगी थ्होग ते मुस्लिम समाज दे ओ.बी.सी वर्ग गी बी प्रतिनिधित्व हासल होग। कांग्रेस, तृणमूल कांग्रेस, समाजवादी पार्टी, डीएमके, एनसीपी ते खब्बे धडे दिएं होरनें पार्टिएं बिल दा विरोध करदे होई इसी धर्म दी आजादी ते संविधान दे खलाफ दस्सेया।

<><><><><><>

Swachhta-Pakhwada

स्वच्छता पखवाडा अभियान दे तौरा पर ते स्वतंत्रता दिन गी मनाने दे उपलक्ष्य च Govt. Boys Higher Secondary School, Doda आस्सेया इक तिरंगा रैली दा आयोजन कीता गेआ। स्कूलै दे एनसीसी दे विद्यार्थियें इस रैली दी शुरूआत 100 फुट लम्मे तरंगे कन्ने कीती ते मार्च करदे होई पूरे बजारै चा लंग्घी। इस दौरान विद्यार्थियें देशभक्ति दे गाने बी गाए। स्कूलै दे प्रिंसिपल होरें लोकें च आजादी ते देशभक्ति दी भावना गी बढावा देने च इस चाल्ली दे आयोजनं दे महत्व उप्पर लो पाई। उनें आखेआ।

<><><><><><>

Samba-Plantation Drive

1 अगस्त थमां 15 अगस्त तककर जारी 'एक पेडा मां े नाम' ते एक पेड शहीदों के नाम' दे तौरा पर अज्ज सांबा म्युनिसिपल कौंसल आस्सेया बूहटे लाने आली इक बड्डी मुहिम चलाई गई। बूहटे MRF यानि Material Recovery Facility Centre Madhera Samba दे मदानै च साम्बा म्युनिसिपल कौंसल दे एग्जीक्यूटिव अफसर जोधराज हुंदी निगरानी च लाए गए। इस कार्यक्रम च स्कूली बच्चें, वरिष्ठ नागरिकें ते स्कूल दे मास्टरें बी बधी चढिये हिस्सा लैता ते इस धरती गी बूहटे राहें हरा भरा रक्खने दी सगंध बी चुक्री गई। आकाशवाणी कन्नै गल्लबात करदे होई साम्बा म्युनिसिपल कौंसल दे एग्जीक्यूटिव अफसर श्री जोधराज होरें आखेआ।

<><><><><><>

Kathua-Plantation

कठुआ दे सीईओ मंगत राम शर्मा हुंदे कन्नै पारली बंड दे हेड मास्टर अनिल कुमार ते स्टाफ सदस्यें स्वच्छता पखवाडा ते सुचिता संग्राम तैहत 'एक पेड मां के नाम' ते 'एक पेड शहीदों के नाम' दे हिस्से दे तौरा उप्पर बूहटे लाए। उनें जिला कठुआ दे सारे मास्टरें ते स्कूली बच्चें गी इस मौसम च बूहटे लाने लेई आखेआ की जे बरसांती बूहटे तौले बड्डे होई जंदे न। आकाशवाणी कन्नै गल्लबात करदे होई सीईओ मंगत राम होरें आखेआ।

<><><><><><>

Olympic-Championship

पेरिस ओलंपिक्स च मजूदा ओलंपिक ते विश्व चैंपियन नेज्जा सुट्टने आले खडारी नीरज चोपडा अज्ज खताब पर अपना कब्जा बनाई रखने लेई मदान च उतरडन ते अज्ज रातीं ओहू इक्क बारी परतिए इतिहास रची सकदे न। तोआई मर्दे दी हाकी टीम दा मुकाबला केंह दे तगमे लेई स्पेन कन्ने होगा। भारती खेड्डु प्रेमिएं दिं नजरां अज्ज कुशती पर बी बनी दियां रौहडन जिसलै भारत दे इक्कले पुरुष पलोआन अमन सहरावत अज्ज अमन सहरावत नै साबका यूरोपीय चैंपियन व्लादिमीर अगोरोव गी 12-0 कन्नै हराइए क्वार्टर फाइनल च अपनी थाहर पक्की करी लैती ऐ। उनें 57 किलोग्राम भारत फ्री स्टाइल श्रेणी च खेड्डेया। तोआई महिला पलोआन अंशु मलिक गी अमरीका दे हेलेन लुइस कोल 2-7 कन्नै हार दा सामना करना पेया। ओब्बी 57 किलोग्राम भार वर्ग च खेड्डा करदियां हियां।

<><><><><><>

MoS-Social Justice

केंद्री समाजी न्याय ते सशक्तिकरण राज्यमंत्री रामदास अटावले होरें अज्ज आखेआ ऐ जे समाज दे गरीब, कमजोर ते पछडे वर्गें दी भलाई बेहतरी लेई सरकारै केई पैहलकदमियां कीतियां न तां जे उंदे समाजी ते आर्थिक स्तरै गी उबडा चुक्रेया जाई सकै। जम्मू-कश्मीर दे दौरे पर आए दे केंद्री मंत्री होरें आखेआ जे सरकार आस्सेया शुरू कीती गेदिएं कल्याणकारी स्कीमें दा लाहू तां गै लोकें तगर पुज्जी सकदा ऐ जेकर ओहू इंदे जागरूकता ते जानकार होन। जम्मू-कश्मीर च समाज कल्याण मैहकमे दिएं कमिशनर सैकरेटरी शीतल नंदा होरें इस मौके उनेंगी जम्मू-कश्मीर च आरक्षित समुदायें दी स्थिति दे बारे च दस्सेया ते इब्बी जे किस चाल्ली ते किस सतह पर उनेंगी केंद्र दिएं स्कीमें दा लाहू पुजाया जा'रदा ऐ।

<><><><><><>

Reasi-Martyrs

शहीद गुलाब सिंह हुंदा घरे आहली सलीमा देवी नै अज्ज रियासी च शहीद गुलाब सिंह पार्क दा उद्घाटन कीता। पुलस कैंप शोपियां च बतौर हेड कांस्टेबल तैनात गुलाब सिंह 19 मार्च 2023 गी आतंकवादिएं कन्ने छिड़े दे इक टाकरे च शहीद होई गे हे। इस मौके पुलस सुप्रीटेंडेंट रियासी आई.आर.पी पैहली बटालियन अनीता शर्मा होरें आखेआ जे मुल्खे दी खातर अपनी जिंदू दा बलिदान देने आले शहीदें गी मुल्ख कदें बसारी नेई सकदा। इस मौके एक पेड़ शहीद के नाम अभियान तैहत बूहटे बी लाए गए। आई.आर.पी दी पैहली बटालियन परिसर च इस मौके स्टाडे जिला संवाददाता देवेन्द्र ठाकुर कन्नै गल्ल करदे होई एस.पी रियासी अनीता शर्मा होरें आखेआ।

<><><><><><>

KVK-Rajouri

कृषि विज्ञान केंद्र राजौरी नै वैज्ञानिक खेतीबाड़ी ते आमदनी पैदा करने आली इकाइयं बारै जागरूकता आस्तै इक दिनै दा कार्यक्रम आयोजित कीता। आत्मा स्कीम तैहत राजौरी दे बक्ख-बक्ख ग्राएं थमां तकरीबन 80 महिला करसान, कृषि सखी ते पशु सखी औंदियां न। इस मौके उप्पर कृषि विान केंद्र नै महिला करसानें गी खुम्बें दी खेती दे पिछले मुर्गी पालन, डेयरी फार्मिंग ते बिस्कलें कन्ने हैल तैयार करने जनेहू विशेष कौशल विकास कार्यक्रम बारै जागरूक करवा। हैल दे कारोबारियें लेई के.वी.के आस्सेया बी इक खास कार्यक्रम चलाया जा'रदा ऐ जेदे कन्नै ग्रां दे बेरोजगार युवाएं गी आमदनी पैदा करने दा मौका थ्होआ रदा ऐ। चीफ साइंटिस्ट डॉ. अरविंद होरें संबोधित करदे होई करसानें दी आमदनी च बाद्दा करने च एस.एच.जी ते एफ.पी.ओ दे महत्व बारै बिस्तार कन्नै गल्लबात कीती। उनें आखेआ।

<><><><><><>

Apiculture-Dev Scheme

जम्मू दे किसान केंद्र तलाब तिल्लो च भौर आली मक्खी विकास स्कीम लेई आत्मा स्कीम तैहत कृषि विस्तार उप मिशन आस्सेया जम्मू जिले दे करसानें ते उद्यमियें लेई भौर आली मक्खी पालन गी बढ़ावा देने सरबन्धी इक दिनै दे सिखलाई कार्यक्रम दा आयोजन कीता गेआ। इसा मौके उप्पर एग्रीकल्चर दे डरैक्टर Amrinder Singh Reen होरें मीडिया आलें कन्नै गल्लबात करदे होई जानकारी दिती। उनें आखेआ।

<><><><><><>